

Reglugjörð

55
22. mál.

fyrir póstmenn.

1. gr.

Póstmeistarinn í Reykjavík hefir á hendi stjórn póstmálanna innanlands undir yfirstjórn stjórnarráðsins. Það hefir því umsjón yfir öllum póstafgreiðslumönnum, brjefhirðingarmönnum og póstum.

Póstmeistarinn ber upp fyrir stjórnarráðinu uppástungur um, hverja skipa skuli póstafgreiðslumenn, og skal hann sjá um, að sýslunum þessum sje veitt forstaða um stundarsakir, þá er þær losna.

Eftir uppástungu hlutaðeigandi póstafgreiðslumanns ræður hann brjefhirðingarmenn með samningum og þannig, að segja megi þeim upp með missiris fresti.

Ef honum þykir þurfa og önnur störf hans leyfa, skal hann ferðast um landið, til þess að sjá um, að póstststarfanna sje gætt til hlítar, og til þess að kynna sjer, hvernig hagar til á hverjum stað.

Á ferðum þessum athugar hann bækur póstafgreiðslumanna og rannsakar sjóð og frimerkjaleifar hjá þeim. Hann gefur stjórnarráðinu skýrslu um skoðun þessa, ef eitthvað finst athugavert.

Á ferðum þessum skal hann hafa í fæðispeninga 6 kr. á dag. Ferðakostnaður skal honum endurgoldinn eftir reikningi, sem stjórnarráðið úrskurðar.

Hann gjörir uppástungur um tilhögun á aðalpóstferðum og aukapóstferðum, um stofnun póstafgreiðslustaða og brjefhirðingarstaða, sjer um ráðningu á póstum í aðalpóstferðir og aukapóstferðir o. s. frv.

Hann semur reikninga yfir allar pósttekjur og öll póstgjöld landsins, sem stjórnarráðið lætur endurskoða og úrskurðar síðan. Reikningsárið er frá 1. janúar til 31. desbr. og skal reikningurinn sendur stjórnarráðinu í síðasta lagi í maí-mánuði ár hvert. Hann sjer um að póstafgreiðslumenn og brjefhirðingarmenn hafi til sölu frimerki þau, sem með þarf.

Fyrir gjaldheimtum þeim, sem póstmeistaranum er trúað fyrir, skal hann setja veð, sem stjórnarráðið álitur tryggilegt.

Póstmeistarinn sendir stjórnarráðinu skýrslu um það, sem mikilsvarðandi er fyrir póstmálin; hann gjörir uppástungur um þær breytingar á fyrirkomulagi póstmála, sem hann álitur hagfeldar; sömuleiðis sendir hann álit sitt um bænarskjöl, skýrslur, uppástungur o. s. frv., sem kunna að koma frá póstafgreiðslumönnum.

2. gr.

Stjórnarráðið skipar póstafgreiðslumenn eftir uppástungu póstmeistara og ákveður, hvort þeir skuli setja trygging fyrir fje því, sem þeim er trúað fyrir.

Víð lok hvers mánaðar semur póstafgreiðslumaður reikning yfir tekjur

55 og gjöld við póstaðgreiðsluna fyrir mánuðinn og sendir póstmeistara, ásamt kvittunum fyrir gjöldunum og því. sem er í sjóði, ef eigi þarf á því að halda, til að borga með útgjöld póstaðgreiðslunnar. Við árslok skal póstaðgreiðslumaður senda ársreikning, sem hefir inni að halda samandregið yfirlit yfir tekjur og gjöld póstaðgreiðslunnar samkvæmt mánaðarreikningunum.

Með ársreikningi þessum skal fylgja áhaldaskrá póstaðgreiðslunnar og aðalkvittanir fyrir launum póstaðgreiðslumanns, brjefhirðingarmanna þeirra, sem undir hann liggja, og aðalkvittanir fyrir launum pósta þeirra, sem hann hefir borgað.

Auk þess að sjá um póstaðgreiðsluna þar á staðnum, skal hann hafa gætur á, að brjefhirðingarmenn í umdæmi hans leysi af hendi störf sín eins og skipað er. Hann skal bera upp fyrir póstmeistarann uppástungur um, hverja taka skuli fyrir brjefhirðingarmenn, þegar þær sýslanir eru lausar, og hefir heimild til að veita brjefhirðingarmanni ferðaleyfi um mánaðartíma, þó svo að sjeð verði um, að störfum hans sje gegnt, svo að alt sje í reglu, á meðan hann er fjarverandi.

Póstaðgreiðslumaðurinn hefir að eins viðskifti við yfirstjórnina fyrir milli-göngu póstmeistarans; fyrir því skal hann senda póstmeistara öll bænarskjöl, skýrslur, uppástungur o. s. frv. um póstmál, sem frá honum eiga að fara til stjórnarráðsins. Fyrir póstmeistara skal hann bera upp uppástungur um þær breytingar á póstmálum, sem hann álitur hagfeldar, og sömuleiðis skal hann skýra honum frá því, þegar póstar eða brjefhirðingarmenn gjöra sig seka í skeytingarleysi og óreglu, sem gæti orðið til skaða fyrir póstmálin.

Póstaðgreiðslumenn eru, að því leyti er störf þeirra snertir, undirgefnir póstmeistarann og skulu mótþróaust hlýða boði hans.

Ef þeim finst það vera miður hagfelt, geta þeir að visu mótmælt því, en samt skulu þeir fyrst um sinn framkvæma skipun hans.

Þyki þeim á sig hallað með ákvörðun póstmeistara eða áliti þeir að það sje póststörfunum til бага, geta þeir borið málið undir úrskurð stjórnarráðsins, en senda skal það áleiðis til póstmeistarans.

Svo oft sem þess verður krafist, skal póstaðgreiðslumaður leggja fram bækur sínar og annað póstaðgreiðslunni tilheyrandi til sýnis póstmeistarann. Hann skal sækja um leyfi hjá póstmeistarann til þess að ferðast út fyrir umdæmi sitt; þegar á liggur, getur hann samt tekist ferðina á hendur þegar í stað, en senda skal hann póstmeistara skýrslu um það, og verður hann, hvernig sem á stendur, sjálfur að sjá um, að áreiðanlegur maður annist póststörfin á hans ábyrgð, meðan hann er fjarverandi.

3. gr.

Póstmeistari ræður brjefhirðingarmenn eftir uppástungu hlutaðeigandi póstaðgreiðslumanns með samningum, sem hann gjörir við þá. Samningum þessum skal mega segja upp með missiris fresti.

Brjefhirðingarmaður er skyldur til þess við lok hvers mánaðar, að gjöra póstaðgreiðslumanni þeim, sem hann er undirgefinn, skil fyrir póstgjöldum þeim, sem hann hefir tekið við, og senda það, sem kann að vera í sjóði.

Hann hefir að eins viðskifti við póstmeistarann í Reykjavík fyrir milli- **55**
göngu póstaðgreiðslumanns þess, sem hann er undirgefinn. Til að ferðast burtu **22. maí.**
mánaðartíma skal hann sækja um leyfi hjá hlutaðeigandi póstaðgreiðslumanni,
en hjá póstmeistarann um ferðaleyfi fyrir lengri tíma. Þegar á liggur, getur
hann samt tekist ferðina á hendur þegar í stað, en senda skal hann póstað-
greiðslumanni skýrslu um það, og verður hann, hvernig sem á stendur, að sjá
um, að áreiðanlegur maður annist póststörfin á hans ábyrgð, meðan hann er
fjarverandi.

4. gr.

Póstmeistarinn ræður pósta þá, sem með þarf, til þess að póstflutningur
komist áfram, með samningum, og skal þar í ákveða um fargögn, borgunarskil-
yrði, hve lengi pósturinn megi vera á leiðinni og fyrir hve langan tíma samn-
ingurinn skuli gilda; en burtfarartíma, póstleiðina og viðkomustaði ákveður póst-
áætlunin ár hvert, og skal samningurinn vísa til hennar í því efni.

Í samningnum skal póstinum bannað að taka nokkuð til flutnings utan
pósts eða utan tösku; skulu sektir, sem nákvæmara skal tiltaka, liggja við, ef
brotið er út af, og skulu þær vera nokkur hluti af kaupí því, sem samið er um
fyrir ferðina, og sje aftur brugðið út af því, skal víkja póstinum frá þegar í stað.

Fari póstur ekki af stað á ákveðnum tíma, sjeu fargögn eigi í því
ástandi, sem ákveðið er, hafi hann án gildirar ástæðu farið aðra leið en ákveðið
var, eða tafið of lengi á leiðinni, eða ef hann yfir höfuð hefir brugðið útaf
nokkru því, sem um samið er, skal hann sæta sekt, sem nákvæmara er ákveðin
í samningnum. Hafi aftur á móti náttúruviðburðir eða annað, sem honum verð-
ur ekki sök á gefin, valdið því, að hann hefir orðið að bregða út af skilmálum
þeim, sem settir eru í samningum, verður hann til þess að firra sig vitum, að
sanna með votiorði áreiðanlegs manns, að slíkt hafi átt sjer stað.

Pósturinn skal hafa meðferðis sendinga-, stundar- og viktarseðil, og skal
ritað á hann á hverjum póstaðgreiðslu- og brjefhirðingarstað, sem pósturinn
kemur við á, hvenær hann kemur og fer og hvað sent er með honum.

5. gr.

Hinar nánari reglur um afgreiðslu á póstum og póstsendingum, svo og um
reikningsskil og reikningsfærslu póstaðgreiðslumanna og brjefhirðingarmanna,
setur póstmeistarinn.

6. gr.

Reglugjörð þessi öðlast gildi 1. júlí 1908 og frá sama tíma er feld úr
gildi reglugjörð fyrir póstmenn frá 24. maí 1902.

Í stjórnarráði Íslands, 22. maí 1908.

Í fjarveru ráðherra

Kl. Jónsson.

Jón Hermannsson.